



DEPARTMENT OF INFORMATION & COMMUNICATION TECHNOLOGY
Government of Mizoram

ACHIEVEMENTS

REPORT 2019-2020



Published on
**MAY
2020**

Contents

MINISTER MESSAGE	3
DEPARTMENT PROFILE	4
A. CENTRAL SCHEMES	5
TELECOMMUNICATION	6
IT EDUCATION PROGRAMME FOR SCHOOLS	8
INTERNET CONNECTIVITY AT DISTRICT OFFICES	9
DIGILOCKER	10
mSEVA	11
SMART CITY : INTEGRATED COMMAND & CONTROL CENTER (ICCC)	12
B. DEPARTMENT INITIATIVES	13
HSLC LEH HSSLC TOPPER-TE LAWMPUINA LAPTOP HLAN	14
GOVERNMENT WEBSITES	15
ONLINE INNER LINE PERMIT (ILP)	16
mCOVID-19	18
PROPERTY RETURNS	20
STATE ELECTION COMMISSION ELECTORAL ROLL	21
FACULTIES AT WORKSHOPS/TRAININGS	22
IT AWARENESS CAMPAIGN	23
ZMC E-LEARNING CLASS	24
DOCUMENTATION OF 3 PROJECTS FOR DARPG	25
MIZORAM STATE GAMES PORTAL	26
RURAL INFORMATION TECHNOLOGY CENTRE (RITC)	27



MINISTER MESSAGE

Department of Information & Communication Technology (ICT),
Government of Mizoram ten Achievements Report 2019 – 2020 an
buatsaih thei hi lawmawm ka ti hle.

ICT Department hi Mizoram sawrkar hnuiaia department naupang
leh lian lo pawl tak a ni a. Chuti chung chuan kum khat chhunga kan
hmalakna ringawt pawh hi a zau tham hle a ni. ICT Department hian
sawrkarin a hman theih turin tunlai thiamnate a chhawp chhuak thin a,
chu chu mipuite tan a tangkaiin awlsamna thlentu a ni. e-Governance
leh Digital India programme hnuiaia tihtur hrang hrangte tha taka tih a
nih bakah internet leh mobile signal te ram chhung hmun kilkhawr ber
pawhin tha taka an neih theihna turin chak takin hma lak zel a ni.

ICT hmanga ramin hma a sawn zel theih nan finchhuah kan ngaihna
apiangah min finchhuah zel turin ka ngen che u a ni.

Robert Romawia Royte

Hon'ble Minister

Department of Information and Communication Technology
Government Of Mizoram

DEPARTMENT PROFILE

Department of Information and Communication Technology hi November ni 8, 2004 khan Planning & Programme Implementation Department hnuiah ICT Cell anga bul tan a ni a. July ni 10, 2008 khan department puitlinga hlankai a ni.

ICT Department hian Electronics, Information Technology leh Communication Technology Policy duan leh tihhawhlin bakah Cyber Crime leh IT Act, 2000 leh a kaihhnawihate hma a la thin a. IT leh a kaihhnawih service hrang hrang bakah Digital Transaction/Payment te pawh a hmalakna zingah hian a tel a ni. Heng a hmalakna te bakah hian IT leh a kaihhnawih mipuite hnenah zirtirna pein, a hman tangkai dan tur a ngaihtuahpui thin a ni. Inbiak pawhna lama hma kan sawn zel theihna turin Internet leh Telecom Service Provider te nen pawh thawkhovin hma a la bawk a ni. Kan state-in IT lama hma kan sawn zel theih nan infrastructure pawimawh tak tak, heng – State Data



Centre, State Wide Area Network, e-District, e-Bharat leh a dangte a din bawk a ni.

ICT Department hnuiah hian kum 2005 khan Society - Mizoram State e-Governance Society (MSEGS) din niin Society Registration Act, XXI of 1860 hmangin din a ni a. He society hian a tum ber chu sawrkar leh mipuite chhawr tangkai tur ICT kaltlanga e-Governance project hrang hrangte enkawl a ni.

He 'Achievements Report 2019-2020' -ah hian ICT Department leh a hnuiai society, Mizoram State e-Governance Society (MSeGS) hlawhtlinna (hmalakna thar leh hmalak chhunzawm zelna)-te tarlan a ni.



A. CENTRAL SCHEMES

A.01

TELECOMMUNICATION

BHARATNET:

Miñistry of Telecommunication, Government of India flagship programme 'BHARATNET' hi Mizoramah pawh chak taka kalpui mek zel a ni a. India rama khua zawng zawngte thlunzawmna tur project ah hian Mizorama khua zawng zawng pawh thlunzawm tur a ni a. Mizoramah fiber phum lamah harsatna tam tak (kawng siam vanga tih chhiat te, leimin vanga chhia te leh adt.) a awm avangin khua 763 atangin khua 501-ah te hian V-SAT dah tura tih a ni , tunah hian khua 384-ah V-SAT bungrua dah tawh niin, heta tang hian hmun 156-te chu hman theiha siamfel tawh a ni.



MOBILE CONNECTIVITY FOR UNCOVERED VILLAGES:

Univesal Service Obligation Fund, Ministry of Telecommunicaiton, Government of India hnuiah hian Mizorama mobile signal that lohnakhualeh National Highway-ah te signal a lo that zawk theihna turin mobile tower 227 bakah Nation Highway-ah tower 19 bun turin hmalak a ni a, tunah hian tower 205 siam tawh niin, tower 184-te chu a nung tawh a ni.

Tin, hei bakah hian Aizawl chhunga mobile service chhe lutuk, inbiak laklawh

Iaia signal tawp that thin (Call Drop) a lo ziaawm theihna tura mobile tower bun belh a nih theih nan Pu Robert Romawia Royte, Hon'ble ICT Minister hmalaknain AMC Building Regulation Para 44(2) (tower phun dawna thenawm zawng zawng hnen atanga NOC lak ngai) chu Cabinet Meeting ni 8 March, 2019 chuan a siam tha a. Telecom Operator-te pawh an lawm hle a, kan mobile service pawhin that lam a pan zel a ni.



A.02

IT EDUCATION PROGRAMME FOR SCHOOLS

IT Education Programme for Schools hi NEC fund (100 percent) a ni a, Mizoram School Education Department hnuia sawrkar school-te ICT hmanga tihchangtlun a ni a, he project-in a tum tlangpuite chu:

i) Zirna inah IT education tihhmasawn leh zirlaiten computer an hmeliat a, hma an lo sawnpui ngei theihna tura course felfai tak school-in a duanna hnuia zirtirna pek.

ii) Sawrkar school thlanbikah sem tura ruahman a ni a, heng school-ahte hian awareness leh training programme neih vek tur a duan a ni.

iii) School naupangten an zirna kawngah hma an sawn lehzual theih nana duan a ni a, an hriatna tipung a chhawr tlaka chher chhuah tum an ni.

iv) Zirlaite chauh ni lo, zirtirtute pawh computer thiamna lamah training tha tak pek a, school naupangte zirtir chhawng thei tura siam.

v) Zirtirtu thiamna hrang hrang neite an subject mil zela computer training pek te a ni.

School thlanbikte hian Desktop Computer set 7 theuh (ACER, Intel i5 (9th Gen.), RAM 4GB, 1TB HDD, Monitor 15", Keyboard, Mouse, CD Drive), Multifunction Printer 1 theuh (Print, Scan, Copy, Email), Anti-Virus (Kumkhat Licence), Microsoft Office (Latest Version) leh UPS 4 theuh te an dawng a ni.

'Distribution of Computers to 45 Schools' programme chu ICT Minister-hovin March 5, 2020 khan Mizoram Assembly House Annex-ah neih a ni a. Hetah hian school thlan 45 atanga aiawh lo kalten computer set leh bungraw dangte hi an dawng vek a ni.



A.03

INTERNET CONNECTIVITY AT DISTRICT OFFICES

He project-in tihhlawhtlin a tum ber chu Mizoram chhunga District 7-a sawrkar office-te internet connection changtlung tak leh rintlak tak pek a ni.

Connection ngial ng het leh rintlak a awm theih nan vertical connection hmangin District Capital/Headquarter-te thlunzawm a ni a, district pasarih (7)-ah thlun zawh vek tawh a ni. Horizontal network changtlung tak hmangin office hrang hrangte thlunzawm leh vek a ni. Office hrang hranga internet connection pekte hi wireless technology leh wired technology hmanga thlunzawm vek a niin internet connection hmantlak leh rintlak tak a nih theih nan bandwidth pawh a uptime monitor reng a ni.

Internet chak tak pek a nih ruala hmasawnna kan hmuh nghal theihte chu sawrkar leh sawrkar indawr tawn nan paperless office/e-Office (e-Mail, Messenger, Video Conferencing, etc.) te hman a ni a, sawrkar leh sumdawngten indawr tawn nan online application hmangin hmun hla leh hnaia mite an dawr zung zung tawh bawk a. Network environment tha tak hnuiah infrastructure (Printer, Scanner, etc.) te pawh in-share tawn theih a niin department-te hmalakna inhrlhtawn nan te pawh remchang taka hman theih tur a ni bawk a ni. State leh Central scheme hrang hrang hmalakna leh kal dan phung inhrlhtawn nan he internet connectivity project hi a pawimawh hle a



A.04 DIGILOCKER


DigiLocker hi India sawrkarin a khua leh tuite tan internet kaltlanga document pawimawh dah that theihna tura a buatsaih a ni a. Lehkha pawimawh - Driving Licence, Voter ID card, Education Marksheets & Certificate, PAN Card, Aadhaar Card, Migration Certificate leh a dangte hmun hrang hranga kenkual ngai lovin digital device (internet thlun zawm cell phone, tablet leh computer) hmangin a mamawhtuten an haichhuak zung zung thei a ni.

DigiLocker hmang hian sawrkar agencies - Taxation Department, Mizoram Board of School Education (MBSE), Transport Department leh a dang ten lehkha pawimawh an issue thei dawn a. DigiLocker hmangtu sawrkar department-te tan hian data storage an mamawh ang zat zat pek chhuah an ni ang a, mimal he application hmangtute tan erawh a thlawnin 1GB thleng pek an ni ang. DigiLocker hi a duh apiang hman atan application download mai theih tura dah chhuah a ni tawh a ni. Sawrkar Department-a lehkha pawimawh submit ngai; entirnan, passport dil dawna a diltu nihna ti chiangtu tur document pawimawh engemawzat submit lo tul ta se, a taka office-a thehluh kher ngai lovin DigiLocker hmang hian a submit theih dawn a ni.

Mizoramah chuan tun dinhmunah Driving License, Vehicle Registration Certificate, Aadhaar Card, PAN Card, LPG Subscription te bakah kum 2018 hnu lam Class X leh XII marksheet leh certificate te dah theih q ni tawh q ni.

DigiLocker hi July ni 1, 2015 khan Prime Minister Narendra Modi chuan a duh apiang hman theih turin a lo hawng tawh a. February 7, 2019 khan New Secretariat Conference Hall, Aizawl-ah DigiLocker



chungchang workshop chu Pu Robert Romawia Royte, Minister, ICT Department-in a hawng a. ICT Department leh Ministry of Electronics and Information Technology hnuaia National eGovernance Division tangkawpten Mizoram sawrkar department hotute DigiLocker chungchang zirtirna an pe a ni.



A.05**mSEVA**

MSEVA hi kum 2015 atang khan hman tan niin, Government of India-in CDAC kal tlanga SMS Gateway a pek nen thlunzawm a ni. He portal kal tlang hian Department, PSU leh Institution hrang hrangin mipui, zirlai leh consumer-te hnenah SMS hmanga information leh a tul dangte pek chhuah nana hman a ni. He mSEVA portal hmang hian department-ten CDAC zuk thlun zawm ngai lovin he portal hmang hian bulk sms pawh awlsam taka thawnchhuah theih a ni.

mSEVA hmangtuten SMS an thawn chhuah zat hi monitor vek a ni. He portal atang hian thla tin SMS thahnem tak Department, PSU and Institution ten an thawnchhuak reng a ni.

URL : <https://sms.mizoram.gov.in>

A.06

SMART CITY : INTEGRATED COMMAND & CONTROL CENTER (ICCC)



Smart City Mission-in a tum ber chu ram economy than ruala mipuite khawsak leh nuphung tihchhangtlun a ni a. Chumi tur chuan tunlai khawvel thiamna (technology) nasa taka hman tangkai tum a ni. Smart City hian khawpui chhunga mipuite him zawkna tur te, nitin nunphunga awlsam zawk nan te, hrisel leh thianghlimna tur te, inbiak pawhna leh veivahna changkang leh tha zawk min ruahman sak a tum a ni.

Khawpui thang zelin thil tam tak kentel a nei a, chung zingah chuan traffic tawt chho zel (traffic congesting) te, mipui himna (public safety) te, rikrum leh chhiatna (emergency and disaster) thleng that thei te, bawlhhlawh (Solid Waste) pung zel te leh a dang te pawh a la awm a ni. Heng hian a hun laia mil zela thiamna (technology) hmanga enkawl leh sawngbawl pawh an mamawh thin a ni. Smart City project-ah hian department mal ni lovin department hrang hrang khaikhawm a, tanrual a ngai hle a ni. Chumi tur chuan Integrated Command and Control Center (ICCC) din a ngai a.

ICCC-ah hian khawl changkang leh tha buna hemi kaltlang a khawpui enkawl tum a ni a. Hei hian thuneitute thutlukna siam kawngah a pui dawn a ni. ICCC hi Smart City project laimu tur a ni dawn a, a siam hna hi M/s Bharat Electronics Ltd ten an thawk anga, ICT Department in ala enkawl dawn a ni. He center atang hian - Traffic

Management System te, Automatic Number Plate Recognition System te, Emergency & Disaster Management System te, E-Challan Application System te, Environment Sensor te, eGovernance Application leh thil dang te control-na hmun tur a ni. Tunah hian Aizawl Smart City Ltd kaltlangin M/s Bharat Electronics Ltd nen inremna (contract) ziah a ni tawh a, Integrated Command and Control Center hi Secretariat Building, Annex-1, State Data Center buala awm tura ruahman a ni.



B. DEPARTMENT INITIATIVES

B.01

HSLC LEH HSSLC TOPPER-TE LAWMPUINA LAPTOP HLAN

Ni 2 July, 2019 khan ICT Department Minister Pu Robert Romawia Royte chuan kum 2019 MBSE Exam buatsaiha HSLC leh HSSLC (Arts, Science, Commerce) Topper-te lawmpui nan Laptop Acer A315 leh lawmpuina Certificate Vanapa Hall-ah a sem a ni. ICT Minister chuan Mizoram sawkarin Topper-te a lawmpui nana Laptop a sem chuan IT Education-ah hmasawnna thlen belh zel se a tih thu a sawi a ni.

HSLC leh HSSLC Topper laptop leh lawmpuina certificate dawngte hi an vaiin mi 55 an ni a.

ICT Department Special Secretary, Pi Sakshi Mittal, IAS chuan kalkhawmte lawmna thu sawiin ICT Secretary, Pu Amjad Tak, IAS chuan zirlai tithate lawmpuina bakah fuihna thu a sawi a. Social Media Awareness neih nghal a niin Social Media hman dan tur tha leh fimkhurna turte inzirtir a ni. He hunah hian MLA Pu H.Biakzauva, Prof. F.Lalnunmawia, Dr. Vanlaltanpuia te, Chief Informatics Officer, Dr. Lalthlamuana leh midangte an tel a. Topper-te hi an chhungte bakah an School zirlaipui leh zirtirtuten an tawiawm a, sawrkar officials thahnem tak kalin, MZP leh MSU hrugaitute



B.02

GOVERNMENT WEBSITES

Sawrkar department-ten website tha tak an neih hi mipui tan chauh ni lo, journalist, zirlai leh department kalphung hre duh tan a tangkai em em a. Hun hmasa lamah sawrkarin kalphung ruahman bika neih loh avangin ICT Department chuan sawrkar hnuia organisation hrang hrang (Department, PSU, College, etc.)-ten kan hman tur system buatsaih thain a hria a. Hetiang system hi July 2012 khan a buatsaih ta a, Government of Mizoram Content Management System (GoM CMS) tih a ni.

Technology-in hma a sawn zel avang leh sawrkar leh mipuiten website kan hman tangkai tulh tulh avangin ICT Department chuan GoM CMS changtlung zawk chu July 2015 khan a buatsaih leh ta a, Senhri Content Management System tih a ni.

Sawrkar organisation tan bika siam a nih avangin a enkawltu (Web Management Team)-te tan pawh zir hunchhung a rei lovin hman a awlsam em em a. Tin, a hmangtu mipuite tan pawh sawrkar organisation hrang hrang website chu kalphung khat a nih tak avangin hman a tiawlsam hle a ni.


ICT Department chuan sawrkar organization tina a enkawltu tur zawng zawngte hnenah training kan pe vek a, heng bakah hian Manual te siam a niin Web Mangament Team tin ten an hmang tangkai hle.

Sawrkar organization zawng zawng tan Government of India hian website siam dan tur Guidelines a tichhuak a, chutiang chu ICT Department-in kan buatsaih GoM CMS leh Senhri CMS-ah te hian zawm a ni.

Website siam nan hian CMS bakah hian thil pahnih dang a la awm a, chu chu domain (a hming) leh hosting (internet-a website data dahna)-te a ni a. Heng thil

pathum leh traning te hi ICT Department chuan sawrkar organization zawng zawng tan a buatsaih thin a ni.

Website hi 24x7 tha taka a thawh theihnatwinwebhostingpawhtihchangtlun zel a niin, tunah chuan Cloud Hosting kan hmang mek a. Hei hian a hmangtu mipuiten an duh anga chaka website an tlawh theih nan a pui nasa hle a ni. Tun dinhmunah hian website 24x7 lai kan enkawl mek a ni.





B.03

ONLINE INNER LINE PERMIT (ILP)

Inner Line Permit hi hnam dangin min chim ralna lak atanga kan inhumhimna tur ki pui pawimawh tak a nih avangin Mizoram sawrkarin a ngai pawimawh hle a. ILP sponsor tute, h mangtute, check-tute leh buaipuitute pawhin a nihna ang tak leh dan anga tih loh a awm thin avangin harsatna a awm thin a. Chuvangin, Online ILP hi sawrkarin Mizoram mipuite him zawk nan a buatsaih a ni. Online ILP hmang hian sponsor-tuin a sponsor-a kha a chhawrna turah a chhawr ngei em, a chhawr zawah khawiah nge a thang tih te a hriat theih tawh avangin sponsor-tute pawhin an fimkhur phah ngei beisei a ni.



Online ILP thar hmang chauh hian ILP (Temporary leh Regular) pek chhuah tawh a ni a. Online ILP atan hian Web Portal bakah mipui leh NGO te hman tur 'ILP Mizoram Mobile App' siam tel a niin Police duty-te hman tur 'ILP Enforcer Mobile App' pawh siam a ni bawk. Heng Mobile App-te hi Google PlayStore-ah download theihin a awm a, iOS version pawh siam tawh a niin AppStore-ah dah tura hmalak mek a ni bawk.





Online ILP tharah hian sponsor-tu bio-data kimchang lehzuala pek a ngai tawh a, sponsor-tuin EPIC No. a thehluh ngei ngei a ngai tawh a ni. Sponsor theih zat pawh system hian a ven tawh avangin sponsor-tuten kan mi chhawr (sponsor)-te ngaihven zui leh an haw leh ngei em tihte thlenga ngaihven a tul tawh a ni.

Mizoram chhunga hnam dang lo lut tur ILP ngai apiangin an haw leh dawnah checkgate-ah an in-report a, chutah chuan Online ILP hmanga lo chhinchhiah zel a ni. Hei hi Mizoram an chhuahsan leh ngei tih chhinchhiahna kawngah a pawimawh hle a ni. ILP nei, dan lova Mizoram chhunga awm chhunzawm reng te chu anmahni mai bakah a sponsor-tute thlengin harsatna a

awm chho thei tawh dawn a ni.

Online ILP hmanga permit issue thar reng rengah hian A4 Size (Detail) leh ID Card pek tel an ni a. ILP Pass issue-ah hian QRCode (Quick Response Code) dah tel a niin ILP Mizoram App hmanga QRCode chu scan a nihin ILP lem leh tak a hriat hran theih a ni.

Portal tharah hian mipuite hmuh mai theih turin ILP (Temporary leh Regular) issue zat dahchhuah a ni a, heng report mai bakah district ang zawnga issue zat enna te pawh mipuite hman tura phochhuah a ni bawk. Portal thar hi ilp.mizoram.gov.in-ah tlawh theih reng a ni.

He ILP Portal leh Mobile Application-te hi ICT Department leh Home Department-ten hma an la a. December 16, 2019 khan Home Minister Pu Lalchamliana chuan Police Headquarters-ah a hawng a, ICT Minister Pu Robert Romawia Royte chu khual zahawm a ni.

URL: <http://ilp.mizoram.gov.in>



B.04

mCOVID-19

Mizoramin COVID-19 a dona kawngah Information Technology hi tangkai taka hman a ni ve thei tih hriain he portal leh mobile app hi siam a ni a. Website leh Mobile App (Android leh iOS) hmang hian COVID-19 donna kawnga information tangkai tak tak puanchhuah niin, awareness video leh thalak pawh a tam thei ang ber dah a ni. mCOVID-19 hi mipuiten tangkai takin an hman mai bakah sawrkar hmalakna pawimawh tak a ni.

mCOVID-19 features hrang hrangte chu:

i) **Statistics** : COVID-19 chungchang Mizoram dinhmun tarchhuahna a ni a. mCovid-19 Mobile App-ah hian India leh khawvel dinhmun pawh tarchhuah tel a ni bawk.

ii) **mPASS – INTER STATE** : Bungraw phur motor, Essential leh Non-Essential Commodities state pawn atanga lo lut turte tana siam a ni a. A hmangtute hi mPASS ID pek zel an ni a, hemi hmang hian checkgate-ah verification leh medical scan te lo tih thin a ni.



iii) **mPASS – INTER DISTRICT** : Ram mipuiten inkarkhipna kalpui anih laia awl sam taka DC-te hnena District danga kal an dilna a ni a, DC Office-ten approval an pek hnuah a diltute hian app-ah hian pass hi an download thei a ni.




iv) **Stranded in Mizoram** : Hnam dang Mizoram khaw hrang hranga tangkhangte in-report nana hman a ni.

v) **Quarantine Monitor** : Mizoram pawn atanga lo haw mahni inah emaw sawrkar quarantine facility a awm te tan nitin an awm hmun atangin an hriselna dinhmun awlsawm taka thawn theih a ni.



vi) **Citizen Helpline Report : COVID-19**
 donna kawngah mipuiten an ngaihdan hemi hmang hian an thlen thei a. An awmna khua/veng-a chhuanchham an awm leh awm loh report nan pawh tangkai taka hman a ni.

vii) **Task Force Registration : Local Level Task Force-te hemi hmang hian in -register theih a ni.** Heta in-register te chu COVID-19 chungchang sawrkar thuchhuak hrang hrang hriattir thin an ni.



viii) **Advisory Video/Information :** COVID-19 dona kawnga mipuite hriattur pawimawh leh tha tak tak video leh thalak dah chhuah a ni. Video-te hi World Health Organization siam Mizo tawnga dub a ni a; tin, Mizo kutchhuak hand sanitizer siam dan te pawh dah tel a ni bawk.

ix) **CM Relief Fund :** COVID-19 do nana pawisa thawh duh tan he feature kaltlang hian awlsawm takin engtik lai pawhin donation a pek theih reng a ni.

x) **Suggestion :** Mipuiten rawtna leh zawhna hemi hmang hian an thawn theih reng a ni.

xi) **Volunteer Registration :** COVID-19 dona atan sawrkar pui thei tura mahni inpe theite tan volunteer registration hi hman tur a ni.

He mCOVID-19 system hi ICT Department ten buatsaihin Home Department, Health & Family Welfare Department leh Disaster Management & Rehabilitation Department ten tangkai takin an hmang a ni.

URL: <https://mcovid19.mizoram.gov.in>

B.05

PROPERTY RETURNS

Property Returns hi Mizoram sawrkar hnathawk ng het Group A leh B zawng zawngetna an thil neih (Property) che thei (Movable) leh che theilo (Immovable) te an report -na a ni a. Kum tinin January thla chhungin an thil neih lai che theilo (Immovable)-ho thehluh tur a ni a, an thehluh hma chuan an hlawh hren sak a ni. Che thei (Movable) ve thung erawh chu engtik lai pawhin a thehluh theih a ni. He software-in a tih theih tlangpuite chu:

i) **Registration :** Tah hian Sawrkar hnathawk ng het Group A leh B te'n registration tih tur a ni.

ii) **Annual Immovable :** Hetah hian thil neih che theilo (Ram, Inhmun, etc.) te ziah luh tur a ni.

iii) **Online Forms :** Form hrang hrang 5 awmin, chung te chu:

a) Form 1 : In hmun leh ram lei dilna leh lei tawh hriattirna.

b) Form 2 : Che thei (Movable property) report na.

c) Form 3 : Insak dilna.

d) Form 4 : Insak completion report-na.



e) Form 5 : Liquid assets report-na.

iv) **My Returns:** Property return submit tawh zawng zawng en letna leh track-na.

v) **Property File Movement :** Sawrkar hnathawkten an thil neih an thehluh a changtu Department-in an lo enfiahna.

Property Returns hnuaih hian tunah sawrkar hnathawk Gazette mi 6,160 leh Non-Gazette Group B mi 12,422 in-register tawhin, a vaiin mi 18,586 an in-register tawh a ni.

He Property Returns hi Vigilance



Department te nen tanghova tih a ni.
URL: <https://propertyreturns.mizoram.gov.in>

B.06

STATE ELECTION COMMISSION ELECTORAL ROLL

Mizoram State Election Commission hian election hrang hrang a buatsaih thin a, hemi atan hian Election Commission of India atangin Mizoram tan Electoral Roll hi lak thin a ni. He Roll hi tun hnaiah District thar a lo awm tak avangin Local Council/Village Council mil a siam rem a ngai a, chumai bakah Aizawl Municipal Council (AMC) huam chhung bikah Ward leh Constituency inthen dan a inan loh avangin, he thil (Roll) awlsam taka siam rem nan hian portal tangkai taka siam a niin hman a ni. He portal-in a tih theih langsar zual deuh deuh te chu:

i) **Rolls:** Election Commission of India-in Electoral Roll thar a publish a mithar dah luh leh paihna a ni.

ii) **Filter:** Hemi hmang hian Hming, EPIC No., Constituency leh Polling Station te hmangin awlsam takin roll a awm te a zawn chhuah mai theih bawk a ni.



iii) **Export:** Station Election Commission-in Election hrang hrang a buatsaih thin a, hemi a zir hian Electoral Roll hi PDF format-in a download theih a ni.

iv) **Controls:** Hetah hian District, Constituency, Polling Station, Election, Ward, Locality, Block, Sub-Division, Village, Post Office, Police Station te hi a thar thun emaw, a hlui paih theih a ni.

v) **Voters Verification:** Hemi hmang hian tupawh an EPIC ID hmangin a EPIC valid leh valid loh a en theih a ni.

He portal hi State Election Commission te nen tanghova tih a ni.

URL: <https://seceroll.mizoram.gov.in>



B.07

FACULTIES AT WORKSHOPS/TRAININGS

Administrative Training Institute (ATI), Aizawl hian Mizoram sawrkar hnathawkte tan training/workshop hrang hrang a buatsaih thin a, ATI-in training a buatsaihah hian Information & Communication Technology leh Cyber Security kaihhnawihah ICT Department officer-te chu faculty-ah ruat thin an ni. Kum 2019-2020 chhung khan ATI-in sawrkar hnathawk Group A, B leh C te tana a buatsaih hrang hrangah ICT Department officer-te faculty atan vawi 22 ruat an ni a, anni hian ICT kaihhnawih subject hrang hrang class thahnem tak an la a ni.

Tin, hemi bakah hian Police Department-in Police Officer-te tana training a buatsaih hrang hrangah ICT Officer-ten tum 6 zirtirna an pe bawk a ni.



B.08**IT AWARENESS CAMPAIGN**

ICT Department chuan Information Technology Awareness Campaign mipuite hnena zau zawka IT chungchang, a bik takin - Social media, Cybercrime, e-Governance leh Digital Payment-ah te zirtirna a pe thin a, hmalakna thenkhatte chu hengte hi a ni:


- i) July 2, 2019 khan HSLC leh HSSLC topper-te lawmpuina leh laptop hlanna hun Vanapa Hall, Aizawl leh hman a ni a. He hun ICT Minister hova hmanah hian HSLC leh HSSLC topers awmna school zawng zawngte an tel a. Social Media awareness campaign neih a ni.
- ii) Ni 19-20, September 2019 chhung khan Champhai Vengsang Pastor Bial Standing Committee, Presbyterian Kohhranin ICT Department an rawn ngen angin 'Social Media Inzirtirna' hun hman a ni a. Hemi chhung hian, Champhai Vengsang, Hospital Veng leh Ramthar Venga Presbyterian Kohhranahte ICT Department chuan Social Media inzirtirna hun hmanpui a ni. Kohhran tinah inkhawm vawi thum theuhah hun hman a niin Bial Huapin nilengin inzirtirna hun hman a ni bawk.
- iii) ICT Department chuan Mizo Students Union (MSU) General Conference ni 8 October, 2019 Bairabia neihah zirlai kalkhawmte tana tangkai tur IT Awareness hun hman a ni a. He hunah hian ICT Minister zahawm tak chu Khuallian a ni bawk.
- iv) ICT Department leh Department of Public Administration, Pachhunga University College (PUC) tangkawp chuan college zirlaite tan ni 24 October, 2019 khan PUC Seminar Hall-ah 'Special Lecture on Improvement of Administrative Process and Quality Service Delivery Mechanism' a buatsaih a ni. Zirtirtu leh zirlai thahnem takin hlawk takin hun an hmang a ni. Tin, ni 12 February, 2020-a Pachhunga University College-a 'National Seminar on Good Governance in Practice in the 21st Century' neihah ICT Department atangin aiawh intirh a ni bawk.
- v) ICT Department chuan Vairengte Higher Secondary School, Vairengteah ni 6 December, 2019 khan IT Awareness hun a hmang a. He hun hi Vairengte SDO (Civil)-in hmanpuuin zirtirtu leh zirlai kalkhawmte zirtirna pek an ni.



B.09**ZMC E-LEARNING CLASS**

Covid-19 hripui leng vanga class la thei tawh lo MBBS zirlai, Zoram Medical College, Falkawn ten class an lak chhunzawm theih nan online classroom ruahman sak an ni.

Hripui leng Covid-19 avangin Mizoram mai ni lo India rampumah Lockdown kalpui a ni a, chu chuan zirna in lamah nasa takin harsatna a thlen a. Zoram Medical College pawhin he hripui leng vang hian MBBS zirlaite class pawh loh theih lovin tihtawp a ngai a. Sawrkar chuan hmalaik class kal chhunzawm a nih theih nan Health & Family Welfare Department leh ICT Department te inbe rawnnin Medical Student-ten an hman atan ICT Department chuan E-Learning Class neihna tur computer system a buatsaih a, internet connection leh IT equipment, power backup leh room pahnih ruahman sakin medical student-te tan class neih chhunzawm a ni.



B.10

DOCUMENTATION OF 3 PROJECTS FOR DARPG

Government of India hnuaia Department of Administrative Reforms & Public Grievances (DARPG) hnenah ICT Department chuan Good Governance lama a hmatakna pawimawh zinga pathum India sawrkar leh state dang hrang hrangten an lo hman tangkai theih tur atan e-Book leh Video clip siamin ni 17 December, 2019 khan a thehlut a ni. Heng project thlanchhuah pathumte hi ICT Department-in National Award a lo lak tawhna te a ni.


Chung project pathum documentation a thehluite chu:

i) **Inventory Management System**

: Mizoram Secretariat pumpuia officer leh staff-ten office hnathawh nana an bungraw mamawte SAD hnena online-a indent siamna a ni.

ii) **e-District State Roll out** : Mipuiten DC Office tina eDistrict Centre leh CSC kaltlanga online-a sawrkar hnuaia service mamawh hrang hrang an dil leh pek theihna a ni. Tunah hian Mizoram pumpui a district zawng zawngah kalpui niin, Tribal Certificate, Residential Certificate, Income Certificate leh mipui mamawh hrang hrangte online a dil theihin chhawpchuah a ni.

iii) **Government of Mizoram Content Management System (CMS)** : Mizoram sawrkar hnuaia website 270 chuang siamna system a ni a. Govt. of Mizoram Content Management System (CMS) hmang hian sawrkar department hrang hranga Web Management Team-ten an website-te enkawlin an update thin a ni.







B.11

MIZORAM STATE GAMES PORTAL

He portal hi Mizoram State Games 2019 atana siam a niin, Constituency hrang hrang te Medal lak zat enna tur a siam a ni. Infiamma hrang hranga medal latu hming, constituency, discipline, gender, category leh medal an lak te kimchang takin a en theih bawk a ni. He portal hi Mizoram State Games lo la awm leh zel tur atan pawh hman theih tura duan a ni.

He Mizoram State Games Portal hi URL : <https://stategames.mizoram.gov.in>
Sports & Youth Services Department te nen tanghova siam a ni.



B.12

RURAL INFORMATION TECHNOLOGY CENTRE (RITC)

Mizoram chhunga thingltang leh hmun hla zawkten Information Technology tangkai taka an hman theih nan leh an nitin nuna awlsam zawkna an neih theihna turin Rural Information Technology Center (RITC) project proposal siam a ni a. Central leh state e-Governance project hrang hrangte awmze nei zawka hman tangkai tum niin khaw 50-ah a thawh khatna atan ruahmann siam phawt a ni. Heng center-te hi entrepreneurs an enkawl ang a, service chi hran hran pekchhuah bakah hlawh pawh eng emaw zat an thawhchhuah theih beisei a ni. He project hi Ministry of DoNER-ah thehluh a ni a, kan hmuh ngei pawh kan beisei hle.

He project hnuia component hrang hrangte chu:

i) Internet: BharatNet project atangin internet lakk a ni ang a, Internt connection mamawte pawh an pe thei ang.


ii) Tele-Education : Tele-Education leh Online class la duh tan facility-te hman tur awmin, tlawm tein hman theih a ni ang.

iii) e-Banking : Banking correspondent-te hmangin bank awm lohnaah pawh banking service-te pek theih a ni ang.

iv) Doctor Online & Jan Aushadi :

Khawpuia doctor thiamte rawn theih an ni ang a, damdawi man tlawm pawh lei nghal theih a ni ang. Tin, diagnostic test kit hrang hrangte pawh a tam thei ang ber dah a ni ang.

v) CSC & e-Services : Common Service Center an ni nghal ang a, CSC atanga service hrang hrangte an pe chhuak thei vek ang.



Published By



DEPARTMENT OF INFORMATION & COMMUNICATION TECHNOLOGY

Government of Mizoram

📍 Mizoram Secretariat Old Building- I
3rd Floor, Treasury Square
Aizawl – 796001, Mizoram

✉️ cio.ict@mizoram.gov.in

☎️ 0389 2310888/2319637 (Phone)
0389 - 2319632 (Fax)

🌐 <https://dict.mizoram.gov.in>